

江蘇清河縣志

卷一

山陽魯通甫 同撰 清河王 未相 詒 盱 眙 王 星 北 關

凡例 圖說

疆域 沿革 四至 分星 高度 風俗 物產

地 220.5
37.1
127

1732

P 293
11320
17329-35

江蘇清
河縣志

LIBRARY OF THE
FARMERS BANK OF CHINA

清咸豐四年刊同治元年
補刊民國八年再補刊

重修清河縣志序

聖祖仁皇帝御極之十六年河圯漕病

特命兵部尙書兼都察院右副都御史臣靳輔總督河道以山陽之清江浦地河漕總匯時來駐節後五十有二年河道總督分治南北而南河專駐清江又三十二年清江浦地入於清河移縣治此於是清河縣爲河督同城官地衝務繁屹爲壯邑舊制督撫察吏民河臣司水土至於沿河州縣則河臣得與察覈地方之利病民情之疾苦官吏之賢不肖與夫壹切建寘興廢學校兵戎典禮之大者皆董率而總其成其職理然也咸豐元年冬

清河縣志

序

一

盱眙吳君來宰斯邑政通民和其明年以縣志廢墜來久牒上大吏及時修舉延聘山陽魯孝廉一同崙司編纂郡邑之士任採訪之責越二年而告成乞余序其意余惟方志之作時地遷異不居定體清河舊治清口實惟僻邑今地關於昔政煩於舊昔有丁有田有漕而今惟折色賦役改矣昔惟漕標城守今增中營洪澤水師兵制詳矣新廟作而學制宏鍾簞陳而萬舞備票引行而鹽課裕稽徵密而關禁嚴驛站改而廩糧加而况宣防草土之事日遷月異更大變者八九累竹不能窮其意巧匠不能圖其形而皆舊志之所弗及非有經世之

略識時之智會弗能窺其崖窾況能窮其奧乎今觀此書義仍舊貫功實勦始其細而至於方域沿革往蹟舊聞訂譌正謬經生專家之業而其大者則非良有司綜其綱維而博達通時之彥相與以考其成求其洞貫本末深中機會有裨於治理良難使者方將以水土之餘考吏鏡民以期不諄於古而可遺於後則此書有補焉遂書以弁其首

咸豐四年歲在闕逢攝提格壯月中浣江南督河使者楊以增序

重修清河縣志序

道光壬辰之歲余自翰林改官工部踰年奉

命赴

南河習學厯官海阜海防襄河同知於時兩河無事海

寓富昌浦垣繁庶甲乙東南風俗之所趨吏士張庶之所尚日以多麗滿盈滋大其後出守桂林觀察大名道路經絲所見尤異今

皇帝御極之二年服闋赴部旋奉

簡命督理蘇松常鎮糧儲明年赴天津監收海運南北三數經過輒月異而歲不同今年秋以署江藩事移駐淮安去初佐郡時前後幾二十年矣其間豐耗興替之故天

清河縣志

序

一 壬戌補刊

時人事之所以漸推而漸改不能無動於中欲言其事而昔年僚屬僅有存者蓋變遷之際多矣非一事一物之間而已也余以爲其事不可悉詳退而求諸記錄掌故之書以庶幾得其凡而清河令吳君所修清河新志適成其書自乾隆十三年以前因緣前志多所補益裁減近百餘年邑里之遷徙官府之建置川瀆之變易制度品式之損益無不備具或所疑滯則從缺如釐然秩然咸有條理嗚乎以余所見二十年間而遼遠闊絕如隔夢寐況又前六七十年當遷縣之初又前十餘年而接續舊文之末其爲參變錯綜不可紀極不有撰述如

余所及見而以爲今昔之殊其不及見則以爲固然應爾何足異乎何足異乎吳君宰此土三年政成而民悅以其餘力搜廢起墜所延編纂魯君則余三十年前同歲生也嘉賢尹之勤卓感老友之歸然殷勤簡冊不能無感慨焉

咸豐四年歲在甲寅重陽後二日署江甯布政使蘇松督糧道望江何俊序

清河縣志

序

二 壬戌補刊

重修清河縣志序

清河縣志初始明嘉靖中浮梁吳侯宗吉其書久缺佚存者疆域一圖郡人胡應嘉一敘而已序之言曰清河地瘠民鮮潦水一至編氓流離議者至欲徙民而空其地壬戌之夏浮梁吳公來尹是邑還定而安戢之不遺餘力初求邑志將欲釐正蕪陋之邑莫從得之歎曰邑而無志非惟不見古今卽賦役何所準乎居數月而民漸安之期年而民益歸乃因政事之暇稍事編摩據文獻之僅存采風土之共習日刪月削三年政成而志適告竣始建寅訖詞翰粲然一邑之完書又言曰荆敝之清河縣志

序

邑政多簡畧賦役之際率以意成上無定則下靡適從里胥豪猾持錢穀征徭之成數以上下其手是故法令無統則賦役無經賦役無經則困累無所控訴今皆詳覈而曲處之賦者以時役者不病至於學社厥倉風土人物皆與茲邑相終始恐其久而無紀故因志以附之其書大約承二百年廢缺之後顛一條舉章程修定品式初始之盛業也後百有七年當康熙壬子之歲

朝廷議修統志檄下天下郡國州縣採進志書而博羅鄒侯興相實纂修鄒君之言曰予自壬子季夏受事清河逾月卽有修志之檄因取邑之舊志閱之百餘年矣考

其川原而陵谷易履其疆域而孤離乖稽其戶籍土田而耗蝕懸絕察其風政人文而荒落已甚嗟乎是惡足以爲志哉夫一邑之志非國人不核非掌故不詳苟非其人其言不信況乎綴一統之王會副考文之國典者哉予迺訪諸薦紳博士而得其人采諸遠鄉僻聚而廣其聽聘而館之以重其事校諸先達長老以公其是非自春徂秋迄有成帙凡四卷爲凡例者八爲圖者三爲義類者三十有二事之原委有序名實錯出有按利害憑者有論綱不悉舉者有分注事之疑者有考辨秩官有年表人物有列傳其書推本舊文折衷郡乘所以備

清河縣志

序

二 壬戌補刊

統志之採擇繼事之美也書成而未槩布又二十餘年而臨川管侯在職於時統志尙未葺功復議修纂管侯之言曰邑志之成將以上之郡郡將以上諸省而統志取衷焉他邑志遠或百年近數十年一修其山川土田亘古不易人物風俗之變積久後移故其修弗數數然若清河則河流遷徙輓漕開塞不數年輒變變則流峙易形四封殊候而戶口錢穀數與俱更失數年不修卽疆域形勝無所準土田戶口稽覈無所憑余適承其任當其時其敢以弗嫻於文姑竢能者辭乎其書因緣近事而於賦役河防尤加詳密統志所取徵也三書皆以

無存後五十餘年爲乾隆戊辰太守衛公哲治新修淮安郡志成而桐鄉朱侯元豐政成多暇於是援據郡志取舊志而釐定之爲卷十有四爲目三十有六疆域有圖沿革有表凡越四月而成書朱侯之言曰一書告成議者紛起後人必拾前人之短未有以爲盡善者因是而修志家多畏其難不敢操簡因循退避使一方之地人民政事湮沒不彰豈不過歟清河縣志始於嘉靖己丑

國朝一修於康熙壬子再修於乙亥今幅員惟舊人事聿新河防水利賦稅蠲賑五十年中綱紀之政浩蕩之恩清河縣志

序

三 壬戌補川

不容不紀余與邑中賢士參互稽考於舊志當存者仍之不敢妄加竄改以蹈轉相訾訾之習其書貫串三家卽近所因也故志莫難於浮梁莫簡於博羅莫切於臨川莫備於桐鄉更歷二代上下百八十年間賢尹耆士英儒博識之所綜貫而切劘然且考疆域而沿革不盡明徵人物而登載不盡允敘官師而不及宋齊之代考川瀆而未詳疏蓄之宜其他複見錯出殆難以疏舉甚矣其難也自桐鄉之後十餘年縣圯於水乾隆二十七年而縣治遷於清江浦初清江浦爲山陽重鎮總河駐節之地官省吏舍闐闐萬家自割隸以來戶口增十之

三田畝十之二征科十之二學額惟舊而士籍增驛傳
惟舊而廩糧增丞簿有增設營有增伍關有增口壇廟
有增祀河防有增工日益繁多乾隆三十九年以後河
變益多決老壩開陶莊及嘉慶中而北有李工減壩之
啟放南有奈壩雲曇口之漫溢高下異形曲直異勢通
塞異宜爰及道光丁亥辛卯之交漕運改爲灌塘鹽政
改爲票販於是

國家大政若河若漕若鹽課關稅畢萃於此矣而程式典
章久而紊黷無所承稟官書之所載吏冊之所存數更
水患積漸漫滅雖復世承職守或杳冥而莫究其原粹

清河縣志

序

四

有大事轉相煦聘上下交諛黠者爲奸弊不可極道光
二十九年知縣事南昌劉君始有修志之議整齊楛
佚訪求耆俊未幾去職萌芽復輟棠時視事桃源聞而
懼之而惜其不果

今天子御極之元年冬奉

命來尹茲土撥煩理劇日不暇給明年夏而同歲生魯君一
同修邳州志成觀其義法精嚴殆非苟作因與邑之士
謀咸以爲百年廢墜以有待於今日失而弗圖後將何
望於是具牒大府延訪薦紳詢謀耆老編纂之工謂魯
君宜事始有緒遽有邳州之役其明年二月粵賊東竄

江淮震驚復奉簡書來視事而新志已屬草方與邑之
人士謀所以練兵集餉詰奸禦寇之方於是大兵圍賊
於揚州賊復分眾竄臨淮涉豫入晉假息畿輔南北羽
書旁午戈鋌耀於道考訂之事則有所未遑是冬迄去
揚城淮上小安治軍聽訟之暇竊以爲事有似迂而實
切功有垂成而易隙夫辨疑訂譌文人學士之業也諮
於故實垂於典訓服官臨民之事也整一法令綜覈名
實馭眾定變之方也志有疆理知險知易志有戶口知
眾知寡志有土田知熟知荒志有兵籍知弱知強通川
大澤知其要害街衢道路知其經緯風土物產知所生
清河縣志

序

五

忠孝節義知所以生志蓋迂乎哉昔之賢明良吏處從
容暇豫可以興舉之時而遜謝不遑故廢缺以至於今
棠不幸處廢缺之後而亦既搜之輯之矣更不與編述
之可乎再屬魯君多求博通之士往復商榷以成定本
棠復不弔慈親見背既返葬於都梁迫於

朝廷嚴命命以成禮百日緘經視事嗚乎棠以中材處荆
做之嚴疆當南北之衝要奉耄耄之嚴親上無以報

國下不能顧其私何嘗不中夜撫心臨民流涕既而思之
上知我矣民與我矣進不獲殺賊立功雪多壘之恥則退而
益治其政而是書政之符也於是字勘句校以付諸梓

人自四月至於九月劄劄既成爰推古昔作者撰述之大旨淹墜之久而繼續之難明予小臣載歷憂患惴惴之苦心而嘉與士大夫樂成之意以冠其篇云

咸豐四年八月升同知直隸州知清河縣事吳棠序

清河縣志

序

六
壬戌補刊

清河縣志原編姓氏

嘉靖志

知縣吳宗吉 邑人紀士範 張四維

康熙壬子年志

知縣鄒興相 邑人汪之藻

按壬子志久佚祇於乙亥志序中推考得之

康熙乙亥年志

知縣管鉅 邑人汪之藻 何佳

乾隆志

知縣朱元豐 孔傳樞 邑人陳仁濫 孫承恩

汪為櫟 吳昭烜 吳華熠 周涿 張銷

清河縣志

姓氏

一 壬戌補刊

重修清河縣志姓氏

鑒定

兵部侍郎兼都察院右副都御史總督江南河道提督軍務楊以增
署江甯布政使蘇松督糧道何俊
署兩淮鹽運使淮揚兵備道郭沛霖
鑒修

知淮安府事恒廉

候補道淮安府山清裡河同知于昌進
陞同知直隸州知清河縣事吳棠
纂修

清河縣志 姓氏 一 壬戌補刊

舉人山陽魯一同

協修

舉人召試孝廉方正人王卓如

廩生人馮昶

訂正

鑲白旗教習優貢生山陽丁壽徵

採訪

恩貢人丁伯奎

貢生人丁仲樞

歲貢人湯兆麟

歲

貢人張志熙

貢

生人孫喟

歲

貢人陳長懋

附

生人包景福

增

生人左壽華

廩

生人王炳如

附

生人林樹森

參訂

歲

貢人吳以誠

舉人內閣中書委署侍

讀人吳昆田

清河縣志

姓氏

二 壬戌補刊

廩貢生候補直隸州知

州人陳元煥

優

貢人劉念曾

廩貢生候選訓

導人王蔭棠

附

生人周鳳翔

編次

增

生人魯蕢

校字

附

生人程人麟

附

生人王松甫

增

生人劉守會

附

生山魯葵

廩

生邑劉衛

增

生邑翟調元

附

生邑周琪

附

生邑吳琪

繪圖

河

圖

局

候

補

協

防邑邱振西

清河縣志

姓氏

三 壬戌補刊

清河縣志

凡例

一舊志修於乾隆戊辰距今百有六年廢墜淹久變革
勢如加以乾隆二十六年縣治遷移街廛寺舍百度
維新閭井郊衢幅員式廓中間屢經河圯形勢全非
使節所居殷繁尤甚文雖因舊創作何殊茲書採摭
前志不少異同要皆援據正史旁稽案牘兼採見聞
不敢多言詳博斤斤之心求免舛鑿抑猶未能惟當
廢缺之久接續舊文庶幾後之作者有所憑藉而已
一著作之家最忌詆譏舊文後之視今何殊視昔然沿

清河縣志

凡例

一 壬戌補刊

譌踵謬情實未安清河立縣肇始咸淳準今測古沿
革最爲要義前志於周秦以降疆域不明如誤以末
口爲宋口則杜注之駁文以高山爲老子非班氏之
本義乃至南青北兗輻輳不分淮浦馬頭牽連多誤
坐是而人物職官諸志或略所當詳或取非其有今
悉一一訂正務期限斷分明

一作志舊例於建置一門但載城池官署街坊橋梁至
壇廟多別立專門往往廣摭典禮詳載儀注鄙意以
爲祭祀 國家之大典一切文物典章通諸天下以
邑乘而臚於饗祀君子思焉茲志不載典禮祇詳創